

息齋集

亥



廣福寺飯僧田記

京口南至自苑部雲水

昔達觀穎禪師行脚至吳中時已薄暮投宿律居士

者弗納師責而數之曰如來有言汝曹不聞之乎在

家僧不喜客僧來者我法當滅夫穎公有道之士一

宿不留何訶責至此良以紹隆佛法者僧也拒僧不

納非薄僧是薄佛也四十二章經云飯凡人百不如

飯一善人飯善人千不如飯一持五戒者層累推之

以至羅漢辟支佛功德不啻倍蓰從來賢聖應化往



往遊戲敗笠破衲中是以飯僧一事福德最大爲飯僧謀久遠而置立齋僧田其福尤不唐捐丹陽縣城北里許惠山廣福禪寺創自西晉泰康六年歲久傾廢宋仁宗時有化身菩薩重興名日光道場後永明壽東山岳祖風振揚乳泉表異至明末憨山大師駐錫其中註楞嚴法華通議疏解金剛心經併著夢游等集古德名賢于茲寺緣會非淺集指恒以千計且地當水陸要衝北來自京口南至自錢塘雲水絡繹

瓶鉢駢闐需田飯僧猶俗人之必需米舉火也粵稽晉代卽有欽賜基址山田七十畝明萬曆年間本邑著姓賀孫等氏各捐貲置水田一百畝

大清順治六年江氏施湖田二十五畝合新舊田地計之幾二百畝皆資助香積津梁往來之需寺主石源上人恐後之無所托以傳也世守匪易特走長安因大善果旅菴和尚索余言爲記余曰此田有無量義請爲上人悉之其在諸檀護破慳喜捨必獲人天善

果食報無疆此福田也其在十方荷竺擔瓢之徒飮
餐香粢增修德業長養菩提此慧田也其在常住謹
司香火之後裔秋霜律身春風與衆恒飽五戒具足
之高流與夫羅漢辟支佛應化賢聖此又無價良田
也但不可着一貪想自私自利爲衆如割身肉此便
是害田之碩鼠不可着一嗔想人我熾然如堅城之
不可下此便是蠹田之蛇蝎不可着一痴想如豪富
田舍翁徒爲長子孫計而被華嚴會上王稼神之所
訶譴此便是損田之一切蠱螞三毒除而後妙明之
內自具五風十雨歲歲釀成金莖玉液以徧充禪悅
使此田直與法界俱永可也如來大法之興端在是
乎是爲記。

題放生彙紀後

放生彙紀者○忘菴胡先生以仁人君子之用心○紹流
水天台智覺雲棲之慧業○智果圓成于覺海○悲華燦
爛于筆端○而有斯編也○小之爲吹羣倫之善氣○大之
爲挽劫運之殺機○顯之爲標物我之同原○密之爲闡
心性之了義○能使讀是編者○一展卷而生趣○填胸慈
因滿目處處作含靈怙恃○人人肩佛法金湯以之世
出世間必回刀兵爲衽席○必化鼎鑊爲蓮池○有是夫

仁人之言其利溥哉然則有斯編而古今來儒碩禪
宿所著放生戒殺種種名言奧義總彙于是矣余因
反覆是編始信佛說三界惟心凡法界海會蓮華藏
中無邊佛刹微妙莊嚴盡在大心菩薩一念中現初
放生池經始時一望荒丘並無片瓦寸椽徹機上人
僅營一團瓢孑然孤處于寒風苦霧中曾幾何時而
紺殿峩峩翼以東西兩禪堂並準提堂瑋麗悉稱是
且緣放生推之憫歎又于池東寂照寺借柴道人收
埋人畜骸骨經畫備極周詳行將莊嚴一地藏殿永
度冥魂如此無量功德咸自忘菴先生一念大心中
湧出豈世之布金希福者比也余故特爲拈出以爲
讀斯編者告

書刻金剛經跋

善格云能以最上乘法授人使之因言省悟傳一人者當十善十人當百善傳大貴人大力量大豪傑者當千善萬善擇繕梓印卷施人者當萬善若佛說般若經六百卷中第五百七十卷之金剛經則最上乘法也。今有一居士于此章句能生信心特捐貲繕梓誓願印施一藏勸人受持讀誦者鎮江蕭士淇法名性轉者也。又有一居士聞此經典信心不逆爲之書寫

息齋續外集 卷一
者姑蘇彭蒼侯名璧者也。此兩居士皆能以最上乘法廣助流通。其福德均之不可思量。正經文所云是人卽爲第一希有。又寧止萬善而已哉。息齋老人合掌讚歎而爲之跋。

普德上人唵誦法華經千部題辭

蓮華經曷爲以妙法稱也。蓋佛所成就第一希有難解之法。名爲一大乘。又名無量義。一切聲聞辟支佛所不能知。惟佛與佛乃能究盡諸法實相。分別解說。拔衆生于火宅。等與大車。誘小乘以化城。勿任二地。真炳幽宵之大法炬。杭苦海之大法船。濟徒涉之大法橋。垂廣蔭之大法樹。故獨以妙法名斯經也。經中說偈云。若持八萬四千法藏。十二部經。爲人演說。亦

未爲難于我滅後聽受此經問其義趣是則爲難茲
承定門佑聖菴普德上人特發弘誓願爲其難者持
誦法華經一千部自今春始以三載圓成務求深解
此經義趣不負多寶塔中獅子座上三摩付囑將

佛恩與

君恩並報自利與利他兼資豈尋常圓頂方袍以喃喃
課誦消十方信施者可同年而語哉攷晉義熙間曇
翼法師入秦望山誦法華經越二十年有女子身披

彩服携筠籠盛以白豕兩根大蒜至師前曰妾入山
採薇日已夕矣豺狼當道歸無生理敢托一宿師却
之甚堅女哀鳴不已遂以草床居之夜半號呼腹痛
告師按摩師以布裹錫杖遙爲按之翌日女以彩服
化祥雲豕化白象蒜化雙蓮凌雲而上謂師曰我普
賢菩薩也特來相試觀汝心如水中月不可染汚旣
而天雨寶花地皆震動時會稽太守孟凱方晨起視
事忽見南方祥雲光射庭際隱然絲竹金石之音訪

知普賢示化以師道行聞于朝勅建法華寺今日繼
響曇翼大師得法華三昧而感應普賢再觀雨花殊
勝因緣者余于普德上人且翹首俟已因為之說偈
曰

稽首釋迦文 以一大事故 出現于世間
開權而顯實 中有無量義 諸佛乃能知
火宅不可居 化城亦難息 種種譬喻辭
演說唯一事 止此一事實 餘二即非真

八萬四千藏 獨稱妙法幢 受持能信解
功德最無邊 曇翼大法師 親蒙普賢現
感應今古同 普德亦如是

淨土慈津引

蓮池大師曰。生死海中念佛第一。若欲高出人天。速超生死。直登不退。獨念佛往生一門。最尊最勝。奉勸世人。何不趁此四大未作枯體時。早早念佛。直待萬般將不去。惟有業隨身。懊悔何及。痛哉斯言。所以警策世人者。至矣。自大師圓寂以後。迄今四十餘年。古德之軌。則雖存淨土之津梁。莫問舉天台永明清涼。圭峰圓照。真歇黃龍。慈壽中峰等諸祖。遞傳雲棲之

鉢亦遂響絕聲消良可歎也。茲有長水徹機上人爲
徑山禪宿。因禮五臺。憇息燕都。延慶寺偶偕緇素。談
及雲棲淨業。及放生殊勝因緣。中有居士某某慨然
捨寺南隙地若干畝。其地有窪者。有阜者。窪者可以
鑿池放生。阜者可以結茆安衆。儼然一淨土。祇林往
生津梁也。一時衆善信咸歡喜讚歎。樂與諸居士共
結良因。不靳財施力施。或自施。或勸他施。遂勤請上
人暫遲五臺之游。先植西方之果。行見雲棲勝境。卽
夫。放生爲本。方有少分相應。此淨土慈津之所以名也。

在首善近地。已嗚呼。佛以慈爲本。故念佛必以戒殺
放生爲本。方有少分相應。此淨土慈津之所以名也。

放生池修淨業引

六祖偈曰本來無一物何處惹塵埃蓋言乎此心之
 至淨也一切衆生皆因迷本淨之心被妄想習氣影
 子發生種種境界糾纏顛倒遂頭出頭沒于生死海
 中百千萬劫靡有了期有能參禪看話頭最為明心
 切要但一則苦于障深根鈍一則難得如古人歎心
 下手一則苦無善知識決擇開導多落邪見惟念佛
 方便求生淨土法門號曰淨業極為穩當二六時中

念念追求審實這一聲佛起處落處定要見箇的當下
落則本來空空洞洞皎皎潔潔一片至淨之心卓
爾現前舉從來妄想習氣影子如紅爐點雪消化無
踪此之謂專修淨業與參禪看話頭毫無異也邇自
雲棲振鐸以後繼響杳然得無從事念佛者不識唯
心淨土而遠求之十萬億刹曾不回頭轉腦近取之
當體乎我長水徹公有慨于中涓今某月日爲始建
淨業期集衆安單結制百日儀式悉遵雲棲發心直

紹六祖予卧病中不覺聞而贊歎曰真此方空谷之
音也凡諸善信有不好淨惡垢與予同志而爲之歡
喜樂助以堅徹公願力者哉行見百日貲糧彈指具
矣

夕照寺收埋骸骨回向文

大德垂慈○度盡衆生○爲本願能仁顯用○來臨法會○以施權○惟茲老穉遺骸○丁年剩骼○暨夫含情異類○碎骨殘齒○皆因無量劫來○迷自本性○以致飄零六道○墜溺三途○劇苦殊殃○難可具說○弟子某等○痛念浮生之易逝○倘淪波趣○以何堪敬○徼三寶慈力○冀拯一切羣靈○所有某月分收過人畜骸骨○共計若干○今于某月某日○理合回向○特延淨德幾衆○誦某經幾部○禮某懺幾

息齋續外集 卷一
部法師某人虔修瑜伽教儀施放焰口一壇藉真言之密諦仗妙觀之圓通灑法味于大千咸承甘露登有情于十地悉證菩提仰願慈悲俯憐攝受謹疏

懺生願文

有小引

生曷為乎懺也懺生之有罪也生曷為有罪也無罪則無有生也生緣罪來罪因生集生死循環罪墮無間世人但知賀生不知懺生生可賀也罪可賀乎爰作懺生願文告之同志

伏念流光易逝龍驥莫追大事難明億劫未了日去一日增卽減因年短一年樂是苦果凡夫迷謬妄冀長齡每遇誕期爭相祝慶親朋蟻聚讌笑華堂物命

息齋續外集卷十
駢羅啣悲沸鼎因生而致殺顛倒成風造業以祈年
愚癡無比其欣聞佛法痛世無常九如諛耳可愧可
慚八苦嬰心可悲可涕值茲受生之誕敢忘母難之
辰敬集高流虔修淨業放諸生命消冤對于抱識舍
靈宣佛洪名懺罪障于今生夙世從茲以往誓結蓮
胎願彼衆生成離苦海

誕日禮懺願文

伏念流光易逝雲驥莫追大限猝逢業山誰懺與其
待一口氣不來令兒孫乞憐于冥府何如趁兩足猶
在地仗已躬稽顙于

佛前茲值誕辰亟應懺悔懺從前所有夙業一懺永不
復留悔向後所有新愆一悔再不相續敬以受生之
日爰整渡死之航誓結蓮胎力超苦海仰願

慈悲攝受曷勝痛切翹勤

悉歸受其初願以獻

其後世之無津津數謂以誠苦誠

其後世之無津津數謂以誠苦誠

其後世之無津津數謂以誠苦誠

其後世之無津津數謂以誠苦誠

其後世之無津津數謂以誠苦誠

其後世之無津津數謂以誠苦誠

其後世之無津津數謂以誠苦誠

笠峰上人募請方冊藏經說

內典流傳世間西域用貝葉此土則以側理疊摺而成號曰梵冊尊重莊嚴宜于焚香唵誦不便踞案抽翻且裝印繁費往往有志衲子欲潛心縱目于一大藏教畢生未能也明末樵李楞嚴寺始以書本鈐行謂之方冊流通頗廣惜乎有志耽玩者亦不槩見正如蘇長公云昔人得書手自抄寫今乃有書而不讀爲可恨也淮上笠峰上人以跛疾行脚來燕其求道

息齋續外集 卷一
之志亦綦切矣。今南還誓閉關閱藏募請方冊而索
余一言。余何知教中大義哉。聞之中峰老人曰。所云
教外別傳者。非教外別有所謂禪也。非心外別有所
謂法也。非離言說外別有不形言之秘密三昧也。始
從鹿野苑終至跋提河。于是二中間未嘗談一字。則
一大藏教。曷嘗有言說文字等相之可得也。通而言
之。禪卽離文字之教。教卽有文字之禪。覓一毫同相
了不可得。復何別之有。耶。笠上人倘會得中峰語意。
他日便可把一大藏教。一口吸盡字字。化成光明藏
矣。始信釋迦老子四十九年三百餘會。隨機演教。皆
是別傳之旨矣。然則笠上人閱藏甫畢之日。卽參禪
了當之日也。余因書此爲券云。

廣紫栢說

紫栢大師曰極貴女人不如貧賤男子蓋謂女人障礙無量嫌疑多種一動一靜一出入凡百所爲受人禁縛不得如意貧賤男子則不然訪道名山亦由我參禪佛海亦由我遊行千萬里亦由我深山靜坐亦由我高聲念佛亦由我歡喜樂道大笑幾聲亦由我縱橫自在去來隨意故曰極貴女人不如貧賤男子也大周曰此栢師爲度女身說法也世間儘有極

富○貴○男○子○反○不○如○女○人○者○矣○何○也○富○則○爲○利○縛○貴○則
爲○名○縛○或○縛○之○不○出○鄉○里○不○離○朝○宇○而○目○不○窺○宇○宙
之○大○或○縛○之○遍○走○四○方○遍○歷○要○津○而○神○不○浹○山○水○之
趣○無○論○訪○道○參○禪○靜○坐○念○佛○者○什○不○得○一○甚○而○溺○志
熏○心○喪○身○殞○命○黃○金○不○救○白○骨○簪○履○難○逃○枷○鎖○求○如
女○子○之○優○游○閨○闈○終○老○天○年○而○不○可○得○至○于○名○媛○擅
絕○代○之○風○華○烈○女○光○千○秋○之○彤○管○又○非○所○敢○望○矣○余
故○曰○儘○有○極○富○貴○男○子○反○不○如○女○人○者○此○也○然○則○爲

度○富○貴○男○子○說○法○者○當○若○之○何

本命放生說

蓮大師曰。生日不宜殺生。余亦有懺生願文。廣

大師戒殺放生之旨。梓行勸世有年矣。今思人壽幾
何必逢生日而後修齋放生。則放生功德亦有限矣。
從今爲始。凡我合家眷屬。不論長幼男女。一值本命
之日。俱要脩齋放生。卽有親朋偶住我家者。值本命
亦同之。其買生錢。不拘多寡。悉聽輪值本命者爲政。
餘人隨意協助。自一分以至一錢。止遵而行之。則我

之○本○命○卽○人○之○本○命○亦○卽○世○界○舍○靈○抱○識○一○切○衆○
生○之○本○命○矣○是○無○我○無○人○無○衆○生○無○一○非○本○命○也○豈○
不○快○哉○

在家出家說

世○之○所○謂○出○家○者○徒○以○離○而○眷○屬○棄○而○田○園○削○除○鬚○
髮○圓○頂○方○袍○便○是○出○家○矣○何○視○出○家○之○太○易○也○然○必○
離○旣○合○之○眷○屬○棄○現○在○之○田○園○改○鬚○眉○之○本○相○易○袍○
頂○爲○殊○觀○然○後○名○出○家○又○何○出○家○之○太○難○也○大○周○曰○
若○認○得○何○者○是○家○何○者○爲○出○則○出○家○非○易○亦○非○難○矣○
人○生○五○濁○惡○世○中○亘○閻○浮○世○界○是○我○家○也○舉○五○陰○六○
入○十○二○處○十○八○界○一○切○受○纏○受○縛○卒○難○解○脫○之○緣○總○

思齋續外集 卷一
之○爲○家○所○累○也○無○論○仕○宦○婚○嫁○兒○女○田○園○左○牽○右○扯○
者○不○能○出○卽○枯○坐○蒲○團○歷○盡○雲○水○者○十○人○而○九○未○易○
出○也○故○曰○出○家○非○易○也○倘○了○知○古○今○來○三○界○升○沉○不○
過○一○家○之○成○壞○於○其○中○種○種○可○欣○可○厭○分○別○人○相○我○
相○之○事○足○以○沉○淪○豪○傑○困○塞○聰○明○者○僅○等○之○蠅○逐○蝸○
爭○耳○豈○能○囿○我○包○含○虛○空○之○性○量○哉○則○慾○海○卽○蓮○池○
迷○城○卽○慧○山○無○煩○惱○非○菩○提○無○三○毒○非○四○智○矣○是○之○
謂○在○家○出○家○也○故○曰○出○家○亦○非○難○也○

極富極貴極貧極賤說

天○地○間○極○富○極○貴○者○人○也○何○言○其○極○貴○仰○觀○天○地○日○
月○俯○視○萬○類○羣○生○何○其○貴○也○何○言○其○極○富○目○飽○山○川○
雲○樹○耳○聞○鳥○語○溪○聲○何○其○富○也○迺○極○富○貴○之○人○不○自○
珍○重○尚○思○貪○名○圖○利○以○堆○金○積○玉○者○爲○富○以○衣○紫○腰○
金○者○爲○貴○造○孽○無○邊○是○極○富○貴○之○人○最○可○憐○憫○者○也○
天○地○間○極○貧○極○賤○者○人○也○何○言○其○極○貧○一○副○爛○臭○的○
皮○囊○不○值○半○文○何○其○貧○也○何○言○其○極○賤○一○堆○雪○白○的○

息齋續外集卷十
枯○骸○穢○於○瓦○礫○何○其○賤○也○廼○極○貧○賤○之○人○不○自○哀○憐○
尚○思○凌○人○傲○物○以○半○菽○不○充○者○爲○貧○以○一○命○未○膺○者○
爲○賤○積○過○彌○深○是○極○貧○賤○人○之○最○可○憐○憫○者○也○惟○諸○
佛○菩○薩○以○慈○眼○視○之○代○之○珍○重○代○之○哀○憐○故○曰○人○身○
難○得○而○易○失○知○其○難○得○而○勤○加○守○護○則○長○保○富○貴○矣○
知○其○易○失○而○誓○求○無○上○則○永○不○貧○賤○矣○

解客難

客○有○難○大○周○者○曰○汝○謂○極○富○極○貴○者○人○也○極○貧○極○賤○
者○亦○人○也○果○爾○則○保○得○富○貴○免○不○得○貧○賤○又○何○羨○此○
富○貴○爲○哉○大○周○曰○唯○唯○否○否○要○免○貧○賤○須○從○保○有○富○
貴○中○來○若○趁○此○一○生○富○貴○痛○自○猛○省○免○得○千○生○百○劫○
之○貧○賤○則○其○爲○極○富○極○貴○也○更○非○止○俯○仰○耳○目○間○可○
以○罄○其○形○容○讚○美○者○矣○倘○一○失○此○富○貴○則○必○換○却○皮○
囊○變○却○骷○髏○卽○欲○長○守○貧○賤○而○不○可○得○哀○哉○興○言○及○

息齋續外集卷一
此愈覺人之富貴莫有過焉者矣。人身難得而易失。
佛言誠非謬也。客默然而止。

苦樂得失說

五濁世中樂盡是苦。得還是失。若知苦從樂生。失因
得。伏火速掉。轉頭來猛力提撕。直向無苦無樂無得
無失空浩浩孤迥迥地。討個安身立命所在。庶不辜
負此生出娘胎一番也。休教紅日高千丈。猶自黑甜
耽一枕。

息齋續外集 卷一
有我無我說

紫栢大師曰○有我則我在天地中○無我則天地在我中○息齋曰○有我則不惟我在天地中○且在天地之微塵數中○無我則不惟天地在我中○卽包絡天地之虛空亦在我中○

娑婆卽華藏說

世界本無不足○自人心起一貪想○則世界遂多不足之形○世界本無不平○自人心動一瞋想○則世界遂現不平之象○世界本無不淨○自人心作一癡想○則世界遂成不淨之區○此娑婆之所以名五濁者○皆貪瞋癡三毒所構而成也○三毒一除○則娑婆卽華藏○覓一毫同別之相了不可得○東土西方○總是假名○卽求佛求仙亦盡屬妄念矣○

心虛氣弱念矣

此處有極大之圖，圖中文字模糊，似有「息齋」二字。圖旁有「明華蓮花」等字。圖中文字多被墨跡或水漬所蓋，難以辨認。

二可歎

大周曰天與人兩目任人觀古觀今周覽無餘原不
教人看色看財左右牽引奈何不自愛其目而一雙
賽月明眸滿着色財屑遂至迷心滅性永淪黑暗一
可歎也天與人兩足任人尋水尋山逍遙自在原不
教人走名走利晝夜奔忙奈何不自愛其足而一雙
凌雲健履深墜利名坑遂至失命喪身長受羈鎖二
可歎也

息齋四勸

天下肯喫虧的人○最占便宜○勸你喫些虧好○
 天下要便宜的人○到底喫虧○勸你便宜莫討○
 天下最弄巧的人○常要犯拙○勸你儘巧勿使○
 天下極守拙的人○每多湊巧○勸你養拙而已○

戒八無益

不說無益之言○ 不行無益之事○
 不用無益之心○ 不看無益之書○
 不交無益之友○ 不聽無益之論○
 不費無益之錢○ 不爭無益之氣○

十無益

不明理讀書無益
不積德求子無益
不畏天祀神無益
不戒得布施無益
不平心念佛無益
不愛民做官無益
不安命怨尤無益
不禁殺放生無益
不濟人脩仙無益
不見性參禪無益

士大夫及善知識說

士大夫看不破富貴功名四字。憑你說性說理說得
聖人復起。只成箇假道學。善知識脫不得名聞利養
四字。任他談教談宗。談得天花亂墜。未夢見真佛祖。

利害衙門說

今夫人涉訟見官。無論衙門大小。官府寬嚴。必多方打點。竭力彌縫。務脫罪名。求免刑責。大約一經見官。未有全無怕心者。也。乃有一極利害衙門。事發要見行賄。不得央情。不得要。和息。不得要寬限。不得一提就要去。一去就要審。某年月日時。做某事。害某人。一椿也。賴不得。某年月日時。起何念。犯何律。一些也。瞞不得。並不用三推六問。皆自己滿口招承。干証也。插

嘴不得保人也。領保不得。堂上執筆者。無分毫情面。堂下用刑者。無半點慈心。若大若小罪名。一槩不肯。饒或隱或顯。過失盡數。都要算。慈親孝子。救不得。至戚好友。救不得。極厚的家貲。救不得。儘大的權勢。救不得。如此利害衙門。可怕乎。不可怕乎。而何世人之到者。甚多。怕者絕少也。息齋甚有疑焉。故特為拈出。以冀世人之萬有一怕云爾。然則如此利害。畢竟是何衙門。嗟乎。臘月三十到來。可不問而知也。

自救說

余作利害衙門說。有云。慈親孝子。救不得。至戚好友。救不得。客曰。何言之甚也。余曰。不寧惟是。即閻羅老子。亦欲救不得也。客曰。然則諸佛菩薩。發大誓願。救度眾生。豈遂無可救之人歟。余曰。併諸佛菩薩。亦欲救不得也。惟有自救。一着于未到衙門之先。早為之地。庶乎其可救耳。嗚呼。今之人。非但不肯自救。而且欲自下石焉。豈不深可悲痛也已。

始自不可無豈不烈可悲哉

與此乎其曰此非即今之人非即不白也而且

此不白也對心自妙一善于未既而門之改早終之

更不白也豈無可妙之人歟余曰昔者世道直氣

子之也豈不烈哉然則前此世道豈不烈哉

言不白也豈無可妙之人歟余曰昔者世道直氣

余不白也豈無可妙之人歟余曰昔者世道直氣

息齋

路費說

今夫人出門行路無論程途遠近時日久暫未有不
先期措辦携貲糧為路費者乃人生百年中有一必
要○行○之○路○為○程○不○可○以○道○里○計○為○時○不○可○以○歲○月○計○
此其為費甚是不貲宜如何上緊措辦而平日全無
料理臨行亟難等待既苦於借貸無門又苦於支吾
無術窘迫悽惶之狀莫可名言且不惟路費無分毫
而反有盈千累百之贓罪負之而趨吾竟不知此行

何以結局也。嗚呼！行路難，行路難。到此方知，而何世人之冥行而罔顧者比比是也。故爲之著路費說，以見路費不厭有餘，惟贓罪切莫帶一點耳。昔公支

家說

家之爲言，吾人安身立命之地也。然則五欲塵勞中，豈有家哉？世人但知所居者爲家，自少至壯，自壯至老，急急波波，營名營利，無非爲家計也。因而積孽如山，蓄冤似海，自作自受，茹苦吞悲，亦無非爲家累也。不知此皆郵亭傳舍，逆旅客房也。卽長子孫累世，疊家私鉅萬，不過暫則一瞬，久則一宿，非我家也。我所謂安身立命之家者，豎窮三界，橫徧十方，千生萬劫

息齋續外集卷一
不○變○不○遷○屹○然○于○露○電○泡○影○之○中○煥○然○于○成○任○壞○空○
之○表○者○也○乃○世○人○非○家○認○家○而○反○至○亡○家○是○真○深○可○
歎○息○也○已○

冤禍讐障說

冤○不○簇○不○成○眷○屬○知○眷○屬○爲○冤○對○當○思○所○以○解○之○不○
可○冤○上○結○冤○禍○不○胎○不○積○貲○財○知○貲○財○爲○禍○本○當○思○
所○以○消○之○不○可○禍○上○栽○禍○讐○不○廣○不○登○仕○榜○知○仕○榜○
爲○讐○籍○當○思○所○以○釋○之○不○可○借○讐○樹○讐○障○不○至○不○逞○
才○智○知○才○智○爲○障○源○當○思○所○以○屏○之○不○可○用○障○滋○障○

靈隱知浴寧一禪師頌

衆生本淨浴箇什麼既無可浴知箇什麼浴無所浴
知不用知是名知浴靈隱高足

丁未立春日自警偈

我年古稀又六來日光陰愈促自念夙因孽重今生力
懺奚贖愛緣苦緒交纏如油入麩難浴誓誦金剛萬卷
要空無相罪福愛苦撇向東洋四句偈等反覆此願火
速圓成免教一氣不續拍手高歌到岸元來岸邊睡熟

贈東粵月航上人偈

妙明淪沒如雲覆月業海茫茫欲濟無航回光返視
見不須指悟了自渡師亦閑措是名月航正法眼藏

問其宗系嶺南嫡裔

贈真慶月航禪師偈

苦海茫茫搔首望洋有一知識名日月航能除有漏
鼓柁中央光天燭地一輪為梁任彼黑風我自徜徉
以破暗故坦若康莊

贈靈隱知浴寧一禪師偈

八萬四千塵勞門如何洗刷能清淨須知清淨是本
然大地山河都浴竟

我箴 有小引

先正有言我字兩戈相向最不可有者我也最
難克者亦我也息齋讀而瞿然曰孔子毋我釋
迦老子曰無我相文始真人曰道無我我之不
可有也三教有同然哉爰作我箴焉

五濁世遍地戈矛我為之伏多生來一切怨對我為
之蓄欲得怨對冰消戈矛偃伏須是斬草除根莫教
藕斷絲續去一我三教足



应为

2P82

亦三煉只

蓮生社約

世俗徂于賀生之說。每至誕辰。爭侈宴會。廣戕物命。因已之生。致彼之歿。生者祈齡。祝算。讌笑華堂。歿者剝腹抽腸。含悲沸鼎。愚癡背理。莫此為尤。顛倒成風。習焉弗察。願求仁人長者。體萬類之同情。并告順子慈孫。思母難之應度。擬結蓮生之社。共植慈因。凡遇誕降之期。咸修淨業。或誦經。或禮懺。各量力以圓成。或齋僧。或放生。務隨緣而喜捨。勿以駒隙螢光。作如

川如日之妄想惟藉祖燈佛炬示上品上生之南車
此我同心弗論緇俗倘肯欣然入社乞書諱號年庚

贈得實上人偈

一切世間無一非幻六根四大和合成幻幻起幻滅
同歸幻化肉身法身總名爲幻有覺無覺均未離幻
幻翳朗然非幻不滅不滅現前是爲得實

贈映天上人偈

一切衆生無明染病顛倒昏迷淪喪慧命般若菩提
皆人自性自性光明虛空同淨回光返照如日如鏡
是名映天雙融邪正

贈鶴松上人偈

雲間鶴聳翮青霄脫鼎鑊嶺上松盤根碧澗傲虬龍
世上孤高唯二物有能兼之堪學佛鶴巢松頂月明
中山河大地琉璃同

贈得心上人偈

諸佛衆生唯是一心心不生滅寥廓無垠六度萬行
燦然具陳着相取境背覺合塵如來當體歷劫難親
欲求成佛認取本真無法可得是名得心

贈雪嶼上人偈

雪裏看山山更好只因清淨無塵惱寒光一片滿大
千獨坐茆菴聞道早
千巖萬壑水晶中徹底根塵淨洗空此意誰人能理
會思惟坐斷接鴻濛

贈鏡清上人偈

心如明鏡秀也粘着本來無物慧更開擴垢或翳明
明體不削千形萬象到來畢灼含光在內體莫可摸

息齋續文集 卷一
目爲赤輪月有皓魄惟鏡兼之鏡清弗涸

贈紺目上人偈

碧眼胡僧翻天倒地橫說豎說都無實義見性明了
單刀直刺以心傳心大圓鏡智只有一實更無餘二
性見覺明周徧不匱是名紺目如來授記

贈本明上人偈

諸漏根本無明爲因緣有無明三毒纏身流浪生歿
永失性真無明若滅三界都泯一切罪障蕩滌無垠

欲滅無明不費苦辛以本明故直下超塵

贈聞普上人偈

諸佛經典我聞而傳非關耳聽聞性則圓解甚深義
垂劫萬千耳根功德千二百焉入三摩地聞思居先
破多聞惑圓通乃全是名聞普紹如來禪

贈彼岍禪師偈

生歿海中曠劫瀾漫五葉花開一刀截斷說謊瞞天
坑殺好漢理會得來陽春水泮千七百則是案非案

提唱者誰○嵩山彼听○

贈夢有上人偈

三界萬有悠悠一夢○迷人執着認有打闕顛倒攀緣○
淪溺可痛智者疏觀如夢不動大夢大覺太虛空洞○
是名夢有祖庭樑棟○

贈徹機上人偈

徹機徹機如何是機○如何方徹○若云古今尊宿拈着○
拄杖是機○豎起拂子是機○則放下拄杖收了拂子時○

機向何處設施○若云伶俐衲僧知道○拄杖落處是徹○
會得拂子點處是徹○則拄杖未曾落○拂子未曾點處○
徹作麼生證取○今日大周特地與汝道○破息機機存○
大徹無徹○拄杖拂子都用不着○放生池內水汪汪○無○
量衆生歸極樂○是之謂徹機○

和端禪師十空偈

人生在打算○萬事水流東○田園和第宅○辭世一場空○

其二

息齋續文集 卷十
多少英豪輩○浮名腐草同○韓彭與班馬○到頭一場空○

其三

丈夫爭意氣○我見最難融○四大崩離日○好勝一場空○

其四

兒孫初養育○愛護勝已躬○限到莫能替○好醜一場空○

其五

妻妾恩愛種○寢穴誓相同○生離或死別○緣盡一場空○

其六

根塵本假合○遂爲業垢叢○果報絲毫應○懊悔一場空○

其七

妄想生煩惱○火宅添薪同○回頭不及早○焦爛一場空○

其八

人身最難得○大地瓜土同○懶惰不學道○受生一場空○

其九

罪福總無相○執着如捕風○不達無相義○脩習一場空○

其十

息齋續外集 卷十 贈偈五

宗○教○門○庭○別○流○歸○大○海○同○自○性○不○明○了○施○設○一○場○空
贈○惺○生○上○人○偈
一○切○有○情○因○迷○受○生○循○環○往○復○因○生○轉○迷○念○彼○迷○人
本○惺○惺○者○不○緣○生○生○不○緣○生○滅○無○明○障○覆○如○月○遭○蝕
障○盡○明○現○常○寂○常○惺○是○名○惺○生○直○證○無○生

贈智生上人偈

有○世○間○智○有○出○世○智○世○智○螢○光○性○智○日○月○生○不○離○智
智○為○生○汨○無○量○煩○惱○能○障○智○故○任○智○慧○山○斷○煩○惱○種

世○出○世○間○光○明○徧○照○是○名○智○生○四○依○中○一

贈寂空法師偈

心○量○廣○大○猶○如○虛○空○虛○空○不○壞○億○劫○靡○窮○情○生○智○擾
真○空○乃○蒙○在○喧○能○寂○空○涵○性○中○不○着○空○見○是○名○寂○空
雨○大○法○雨○震○日○之○東

贈慧恒上人偈

黃○梅○教○人○自○看○智○慧○一○切○衆○生○具○般○若○故○愚○癡○煩○惱
障○蔽○慧○根○如○雲○覆○日○如○夜○失○炬○認○取○自○心○雲○開○夜○日

放大光明恒沙照徧是名慧恒無明永斷

贈本愚上人偈

多知多解學人通病返朴還真認取自性墻壁無殊
纔有把柄昭昭靈靈尚非究竟無心三昧光明四應
是謂本愚續佛慧命

贈持菴偈

佛號能持經貴受持或名持誦或名持念行住坐卧
繩貫珠聯斷常能所雪消氷泮自最初發心至究竟

堅固一持盡之是名持菴

贈行仁偈

諸佛菩薩以慈為本慈無不至號曰能仁仁遠乎哉
汝心卽是一念回光佛菩薩等是名行仁憐憫一切

贈行邇偈

教外別傳秘密不越日用現前離却喫飯穿衣那討
明心見性咄欲踞妙高峰行遠必自邇是名行邇毋
忘授記

贈天慧上人偈

世尊有言奇哉衆生具有如來智慧德相此般若體
降生自天無脩而脩絕證而證剗盡知解掀翻白窠
孤露圓明燭天鏡地是名天慧嗣如來禪

贈雨一上人偈

釋迦四十九年來未有一字曾說着惹得西來雨一
花雷轟電掣都成譚

贈月門上人偈

西來直指還成曲屈殺兒孫叫覆盆棒喝元來無箇
事紙窓生白月當門

贈心源上人偈

上人專脩淨土

心是本源清淨佛凡情聖境咸除訖有人識得心源
者始信本來無一物

一自雲棲示寂後唯心淨土誰能透卽心卽佛肯無
疑便是大梅梅熟候

贈以靖上人偈

森羅萬象虛空景繁聲雜色何須屏六根不動只凝然無用干戈國以靖

贈正句上人偈

三藏十二部一千七百則如何是有句如何是無句如何是有句中無句如何是無句中有句信口判得來此之謂正句

贈水心上人偈

煩惱薪無明火晝夜熾然紅爐安坐臘月三十何處

避○躡○止○沸○揚○湯○到○頭○計○左○西○來○直○指○恁○狼○籍○爲○拔○衆○生○出○火○宅○爭○如○無○法○可○指○乎○一○片○冰○心○在○玉○壺○

贈悟明上人偈

時悟明正禮楞嚴

妙○覺○明○性○妙○明○元○心○人○人○具○足○箇○箇○圓○成○祇○爭○有○迷○有○悟○無○分○明○與○不○明○一○朝○桶○底○脫○落○滿○天○星○斗○全○呈○是○謂○悟○明○長○老○認○取○面○目○孃○生○

贈晦谷上人偈

馬師具大機大用守鈍于磨磚香巖能答十答百并

息齋續外集 卷一
心乎學圃學道之士有能韜光如晦涵虛若谷殆得
祖意者矣偈以頌之曰光含萬象寧辭晦響應千聲
唯有谷只今何處覓伊人淨土慈津隱晦谷

贈笠峰上人偈

笠峰病跛時發願閱藏

天○冒○地○表○形○如○笠○道○人○荷○之○偏○相○習○休○嗟○一○步○未○能○
行○直○向○孤○峰○頂○上○立○教○外○別○傳○具○教○中○欲○把○大○藏○一○
口○吸○是○之○謂○笠○峰○禪○師○佛○意○祖○意○全○透○入○

贈比丘尼行馨偈

自○性○法○身○具○五○分○香○回○光○返○照○殊○妙○香○幢○普○薰○三○界○
灑○布○十○方○愛○河○慾○海○頓○成○康○莊○羶○情○穢○識○盡○吐○芬○芳○
不○越○五○漏○五○香○涵○藏○是○名○行○馨○清○淨○難○量○

奉祝石公和尚七袞大慶偈

稽○首○古○彌○陀○乘○願○來○震○旦○將○相○所○不○能○俗○緣○一○刀○斷○
雲○棲○嫡○血○嗣○過○量○真○好○漢○平○實○顯○門○庭○宗○教○唯○一○貫○
棒○喝○不○輕○施○望○之○絕○畔○岼○古○希○世○人○有○吾○師○難○名○贊○
須○彌○作○壽○山○虛○空○同○不○換○

息齋續文集 卷一
夢參天童偈

海浩瀚兮嶽嵒嵒。宗風赤幟號天童。雷音震地起螿
蟲。慧炬中天豁瞽矇。數載翹勤恨未逢。夢中授記如
親蒙。當機半句逗針鋒。明明歷歷主人翁。主人翁醒
來依舊了無蹤。咄。夢者醒者誰別同。稽首四明大圓
宗。

蠶歎

喫了一餐又一餐。睡了一頓又一頓。又一頓飽食安眠欲已

盈○尋○個○結○果○不○踰○寸○竭○髓○抽○腸○巧○萬○般○緊○纏○密○縛○無
門○遁○算○去○算○來○算○自○家○鑊○湯○爐○炭○阿○誰○恨

醫王偈

世傳岐與黃能嘗百藥草療生不療死治病難治老
惟佛爲醫王真懷濟世寶不鍊長生丹但證無生道
世人若肯依方行生老病死一齊掃

醫偈

四百四病皆可醫。惟有實病最難治。見色聞聲總受

息齋續外集 卷一
傷○纔○生○一○念○成○驚○悸○非○關○內○稟○厚○薄○殊○亦○非○外○感○重○
輕○異○大○地○山○河○悉○病○根○偏○是○家○親○尤○作○祟○須○逢○起○死○
大○醫○王○空○諸○所○有○真○良○劑○

醉偈

世○間○多○醉○漢○非○關○飲○酒○故○醉○利○復○醉○名○醉○色○尤○堪○怖○
沾○着○便○昏○迷○殺○身○亦○不○顧○一○世○無○醒○時○永○劫○尚○未○寤○
欲○求○解○醉○方○須○是○盡○情○吐○

我相偈

衆○生○溺○生○死○一○我○爲○之○根○我○相○如○堅○城○勁○兵○弗○能○摧○
我○相○如○怒○潮○烈○風○不○肯○迴○惟○有○過○量○英○靈○漢○摧○破○堅○
城○潮○退○走○廓○然○無○我○包○虛○空○截○斷○死○生○真○好○手○

迷家偈

錯○認○他○鄉○是○我○家○一○生○飄○泊○在○天○涯○經○營○費○盡○空○勞○
碌○叠○叠○雲○山○路○轉○遐○

祖○傳○家○業○廣○無○邊○包○裹○虛○空○恁○周○圓○窮○子○只○因○貪○火○
宅○千○生○百○劫○未○曾○還○

息齋續文集
卷一
到家偈

滿○目○兒○孫○皆○旅○寓○故○園○望○斷○好○傷○懷○有○人○指○點○還○家○
路○驀○直○前○行○更○莫○猜○
家○中○端○坐○主○人○翁○若○不○到○家○何○日○逢○火○速○回○頭○拋○客○
舍○關○河○阻○隔○刹○那○通○

月偈 四首

一○天○如○鏡○涵○羣○象○照○破○恒○沙○萬○影○迷○任○是○浮○雲○時○聚○
散○光○華○到○處○逗○真○機○

本○來○明○妙○義○難○宣○磨○盡○古○今○只○自○然○晦○朔○盈○虧○俱○幻○
影○一○真○恒○朗○泯○偏○全○

輝○天○燭○地○體○無○方○從○古○迄○今○不○覆○藏○恨○殺○指○頭○多○註○
脚○兒○孫○賺○盡○好○悽○惶○

一○片○圓○明○照○大○千○徧○地○生○盲○亦○了○然○可○惜○雙○眸○炯○炯○
者○無○端○着○屑○昧○光○天○

附跋

雪道人德濟撰

余讀息翁月偈句中無月月滿句中可見心本是
月未悟心者焉能洞曉月義月不離心未見月者
又焉能還證心體嗟彼世人但見月影未見真月
蓋真月者原非凡夫肉眼見之直須過量大人頂
門具眼方許見此真月也妙哉月偈句句直指人
心字字發明真月究竟覓心心不可得指月月不
可見直饒心月兩無踪纔是光明輝八極後有閱
者幸勿作尋常偈語會苟或不然非惟不悟自心
乎亦不能見此真月豈不當面錯過辜負息翁不少
乎

證研禪師像讚

古栢蒼蒼澗水汪汪亘古及今從無覆藏佛祖到此
斷絕商量惟我證研出世舉揚不棒不喝萬法齊彰
掩關嘿坐學者望洋

守愚禪師像讚

手不捻數珠而禪淨融口不談因果而夙命通以一
貝葉載三藏十二部而不滿毫端以一爐香薰三千
大千界而不滲毫端我儀圖之大智若愚伊何高流

息齋續外集 卷十
吉祥守愚

天印禪師像讚

壽昌嫡嗣石公授記疾燄過風龐士圓機奔流度刃
捷辯馬師權說實說熾然廣說橫說豎說一字不說
卽教卽宗佛祖同風無淨無禪明星以前向也佛日
重暉今也鐵佛巍巍

雪竇石奇雲和尚塔院碑銘

皇清順治歲在辛丑春正雪竇石奇和尚示寂於婁東
之南廣寺越五月歸葬於甬之妙高峰從其志也丙
午春二月雪竇繼席弟子山夫行正以狀來請余銘
其塔余與師雖不識面而師之行解雷耳久已隔峰
相見其何能辭按狀師諱通雲號石奇係出婁東徐
氏父諱調元母孫氏十歲失怙寄養姊家因篤疾間
陡現一境如夢忽醒曰前途灼然有條大路何故留

滯於此。乃辭母告以出家之志。遂脫白于本州南廣寺。適往嘉定于護國寺壁間。睹中峰祖師偈云。蹭蹬莫隨愚伴侶。蹉跎又恐落風塵。悚焉猛省。矢願叅方。因母老未果。寄居隆福寺四年。既而在靜虞山刺血書華嚴經。遇等慈老夙。令看高峰語錄。提究父母未生前。一着服膺。弗替。後往藤溪聽講楞嚴。聞法師舉千日學慧。不如一日學佛。憬然曰。聽教非究竟也。旋往中峰書完華嚴。至瓶窑見聞谷師。復到顯聖見湛。

然師疑情大發。卒叅密雲老人。屢呈所見。密震威叱曰。待你入處硬掙。後來爲人手段。自別。于是棒下頓脫。凝滯不離左右者一十三年。歲丁丑於普潤院掩關三載。一踞倪座。問難響答。機辯泉流。淮海人士翕然景從。辛巳應密雲師命。任持台之靈鷲。來年省密。密親手授師衣。未幾密示寂。爾時得法諸弟子競各布席一方。雲山渺隔。弗克躬襄。後事獨師一人肩之。後赴景星之請。景星溪山奇勝。甲于緱城。座下英靈。

雲集氣吞諸方。刃耕火耨。不復作出山想。會癸未。雪竇寺燬。乏主者。士紳延請再四。因策杖而至。山空無依。惟有堆雲敗葉。寺址半為豪侵。如河南南陽之不可問。乃倚巘架屋而居。先時密師記曰。狗子無一隻。折筯無一雙。是汝住處。固在雪竇也。遂甘心居之。以偈勉眾曰。山居茆屋十餘間。驀地狂風盡打翻。珍重吾徒齊着力。大家扶起莫生煩。時諸山谷間兵寇縱橫。兼之饑饉。相仍所在。無寧宇。師恬不介意。懾暴以

慈伏強以忍。久之。皈誠向化。皆為外護。法堂方丈。厨庫。漏室。次第落成。二覺祖庭。崢嶸壯麗。頓復前規。師入山所云瓊樓玉殿。百草頭上。全彰千丈報身。瓦礫堆邊。頓現非虛語矣。越明年己丑。赴興化。黎君之請。遠近信嚮者。舟楫鱗比。老幼肩摩。諸方主席之盛罕。出其右。菴址宅水中。邑人慮有水患。方議聚財編木為衛。逡巡未舉。師以檀信供養所入。罄付主僧鳩工。竣事俄而。泗水忽至。竟免漂溺。師之力也。師珍重付

息齋續外集 卷一
授絕不以佛法作人情。自是兩淮吳越數千里間。學道高流。聞風興感。競推雪竇爲中流砥柱。云大抵師之門庭嚴峻。而存心廣大。有過犯者。改則許之。嘗云。若使人根皆端。不復用諸菩薩。出現世間矣。歲丁酉。婁東士紳有南廣之請。師因浚鹽鐵河。直達于寺。以利舟行。其皈命之衆。倡化之隆。復不啻興化時也。初師矢志力扶法社。自是幾四十年。且將東歸。妙高未幾。疾作。歷數日。命二侍舉時。皆以子時對。乃微點首。

遂以是時逝。越數月。尚未合龕。顏色如生。瀕舉龕歸四明。忽寺西失火。僧寮俱燼。而龕獨歸。然人共異之。乃於某月某日。抵甬窆于妙高峰之塔院。溯其生于某年月日。卒于某年月日。世壽七十。僧臘四十有五。嗟乎。濟北宗風。自密師弘震之後。全提正令。而橫身坐斷。百尺無枝。孰有如石奇和尚者乎。其闡提法教。曰把關。曰靈鷲。曰景星。曰雪竇。曰興化。曰密印。六種集行世。其法侶之夙荷爐錘者。難以縷舉。其嗣法弟

息齋續外集 卷一
子一十二人南廣行常大梅行幟雪竇行正杖錫行
旋金沙行研天王行林妙高行恂椒山行制海峴行
紹登岱行建南岳行環西園行月爲之銘曰
承源臨濟遡流楊岐密老血胤人天共推入處硬掙
爲人自別凜奉師言提持直捷乳峰生面千載重開
明覺光明爍破埏垓靈鷲景星施設蔚隆末後涵藏
妙高一峰大機大用邈不可卽雪瀑虹飛今古爲式

拈古

洞山解夏上堂云秋初夏末衆兄弟東去西去直須
向萬里無寸草處去石霜云何不道出門便是草同
安云直饒不出門亦是草漫漫地
息齋云不管東去西去但得去便無草

昔人問僧魚豈不是以水爲命曰是曰爲甚麼却向
水中歿僧無對天龍機代云是伊爲甚麼不向岸上
歿

息齋云。只因水裏生。所以向水中死。

鏡清道。新年頭佛法有。明教道。新年頭佛法無。石屋道。道是有也。未必有道。是無也。未必無。

息齋云。若道有。不是新年頭。有從來未曾爛。却佛法。若道無。不是新年頭。無從來未曾添。出佛法。新年舊年。總是節外生枝。說有說無。均之畫蛇添足。

道吾問雲巖。大悲千手眼。那箇是正眼。巖曰。如人夜間背手摸枕。

息齋云。何不道那箇不是正眼。

有人問投子。祖祖相傳。傳箇甚麼。投曰。老僧不解妄語。

息齋云。傳箇不傳的。

周金剛自造金剛經疏鈔。自蜀出峽。行至澧州路上。向一婆子買油糍點心。婆問大師。車上是甚麼文字。周云。金剛經疏鈔。婆云。經中道過去心不可得。現在心不可得。未來心不可得。大德要點那箇心。周不能

息齋續外集
卷一
答蒙山異禪師說當時若下得一喝大增意氣
息齋云下一喝也是若某則不然須還問婆子你賣
點那箇心的油糍

台州六通院僧欲渡船有人問既是六通爲甚麼假
船無對天台韶代云不欲驚衆

息齋云惟是六通所以船也通得

有人問僧點甚麼燈曰長明燈曰甚麼時點曰去年
點曰長明何在無對

息齋云汝不見長明燈麼

泗州塔頭侍者及時鎖門有人問既是三界大師爲
甚麼被弟子鎖侍者無對法眼代云弟子鎖大師鎖
法燈代云還我鎖匙來又老宿代云吉州鎖虔州鎖
息齋云你若鎖得虛空住我也鎖得大師住
韶國師道通圓峰頂不是人間心外無法滿目青山
密雲和尚道通圓峰頂別是人間只緣不薦錯認青
山

息齋云通圓峰頂無異人間未曾移易絲毫許年年
歲歲此青山

偃臺感山主到圓通院相看第一座問曰圓通無路
山主爭得到來無對歸宗柔代云不期又得相見
息齋云圓通若有路山主爭得到來

有僧入冥見地藏菩薩地藏問你平生脩何業僧曰
念法華經曰止止不須說我法妙難思爲是說是不
說僧無對歸宗代云此回歸去敢請流通

息齋云忒煞說盡了

聖僧像被漏滴有人問既是聖僧爲甚麼有漏天台
韶代云無漏不是聖僧

息齋云聖僧須要漏盡

鷓子趨鴿子飛向佛前欄干上鷓有人問僧一切衆
生在佛影中常安常樂鴿子見佛爲甚麼却鷓無對
法燈代云怕佛

息齋云正是安樂處

僧朝宋太宗問僧甚處來曰廬山卧雲菴曰朕聞卧
雲深處不朝天因甚到此無對雪竇代云難逃至化
息齋代云卧雲無處不朝天

宋太宗嘗夢神人報曰請陛下發菩提心因早朝宣
問左右街菩提心作麼生發無對雪竇代云實謂今
古罕聞

息齋代云已發菩提心竟

宋太宗幸開寶塔問卿是甚人曰塔主曰朕之塔因

甚卿作主無對雪竇代云闔國咸知

息齋代云誰教陛下不作主

有僧到曹溪守衣鉢僧提起衣曰此是大庾嶺頭提
不起底曰爲甚麼在上座手裏無對雲門云彼此不
了又云將謂是師子兒空回門出人不得

息齋代云大庾嶺頭提不起所以特特來提起

昔高麗國來錢塘刻觀音聖像及舁上船竟不能動
因請入明州開元寺供養後有設問無刹不現身聖

像爲甚麼不去高麗國長慶稜代云現身雖普觀相
生偏法眼別云識得觀音未

息齋代云正是無刹不現身

有偈曰五蘊山頭一段空同門出入不相逢無量劫
來賃屋住到頭不識主人公有老宿代云既不識他
當初問甚麼人賃

息齋代云若識得主人公又何須賃屋住

有僧持鉢到長者家偶爲犬傷長者指袈裟曰龍披

一縷金翅不吞大師全披法服爲甚却被狗咬

息齋代云因披法服所以却被狗咬

宋太宗幸相國寺問看經僧曰是甚麼經曰仁王經
曰既是寡人經因甚却在卿手裏無對雪竇代云皇
天無親惟德是輔

息齋代云若不是仁王經焉得在山僧手裏

僧入對次奏曰陛下還記麼曰甚處相見來曰靈山
一別直至如今曰以何爲驗無對雪竇代云貧道得

得而來。至。今日。以。可。為。無。難。性。靈。寶。外。云。食。靈。丹。

息齋代云。以。如。今。為。驗。山。曰。其。效。驗。只。來。曰。靈。山。

先淨照禪師問楞嚴大師經中道若能轉物即同如

來若被物轉即名凡夫祇如昇元閣作麼生轉汾陽

代云彼此老大。因。時。法。師。云。轉。于。東。無。世。世。費。外。云。皇。

息齋代云八仙過海各使神通。女。曰。效。驗。曰。王。賢。

廣南有僧住菴國。出獵人報菴主大王來請起曰

非但大王佛來亦。起王問佛豈不是汝師師曰是

王曰見師為甚麼不起無對法眼代云未足酬恩

息齋代云師也是佛。

有官人入鎮州天王院觀神像因問院主曰此是何

功德曰護國天王曰祇護此國徧護餘國曰在秦為

秦在楚為楚曰臘月二十九日打破鎮州城天王向

甚麼處去主無對。

息齋代云天王在。

有道流在佛前背坐僧曰道士莫背佛道流曰大德

息齋續外集

息齋續外集 卷一
本教中道佛身充滿于法界向甚麼處坐得僧無對
法眼代云識得汝

息齋代云只向不背處坐

有施主婦人入院行衆僧隨年錢僧云聖僧前着一
分婦人曰聖僧年多少無對法眼代云心期滿處卽
知

息齋代云隨意着多少

有僧與童子上經了令持經着函內童子曰某甲念

底着向那裏法燈代云汝念甚麼經

息齋代云汝不知着處麼咄

或問僧承聞大德講得肇論是否曰不敢曰肇論有
物不遷義是否曰是或人遂以茶盞就地撲破曰這
箇是遷不遷無對法眼代撫掌三下
息齋代云不遷

宋太宗朝京寺回祿藏經燬僧乞宣賜召問昔日摩
騰不燒如今爲甚却燒無對雪竇代云陛下不忘付

囑

息齋代云。如今却也不曾燒。

官人問僧名甚麼。曰。無揀。官人曰。忽然將一碗沙與

上座。又作麼生。曰。謝官人供養法眼。別云。此猶是揀

底。

息齋進云。畢竟以何爲供養。始與無揀相應。有樹皆

敷葉。無山不吐雲。

石屋禪師曰。寒山曾有言。吾心似秋月。我亦曾有言。

吾心勝秋月。秋月非不明。有圓復有缺。安得如我心。

圓明常皎潔。有問心如何。教我如何說。

大周曰。我亦曾有言。心月二無別。似則屬比擬。勝豈

分優劣。圓時固皎潔。缺亦明不滅。有問心如何。舉頭

看秋月。

大淨禪師曰。若道法皆如幻。有造諸過惡。應無咎云。

何所作業。不忘而藉佛慈興。接誘。

大周答曰。幻福幻業俱幻造。福報業報盡幻報。諸佛

慈誘亦幻導幻難具說總幻號要知非幻義無奧旨
古及今恒浩浩

宋孝宗問天竺僧云既是飛來峰何不飛去答曰一
動不如一靜

大周拈云得住且住何分動靜

又問觀音手中數珠念甚答曰念觀世音菩薩又問
自念自號作甚答曰求人不如求己

大周拈云不是求己還是勸人

誌公云人言斑鳩拙我道斑鳩巧一根兩根柴便是
營生了

大周拈云公道斑鳩巧我歎斑鳩拙營生能幾時搬
柴枉周折

古德云如來一切法除我一切心我無一切心何須
一切法

大周拈云如來一切法卽我一切心明我一切心便
了○一切法

一曰去

古○謝○云○吹○來○一○世○劫○來○一○世○心○非○無○一○世○心○可○取

柴○珠○周○世

大○周○卦○云○公○敵○斑○駮○匹○非○獲○斑○駮○匪○營○主○維○幾○報○難

營○主○了

請○公○云○人○言○斑○駮○匪○非○敵○斑○駮○匹○一○跡○兩○跡○柴○珠○是

勸止健訟芻言

息齋老人自壬寅歲蒙

恩歸田迄今已六年所目擊我三吳地方賦稅繁重徵

輸孔亟且路當要衝各項雜差千頭萬緒奔命不遑

為我儕小民計惟朝夕拮据謀生上完

國賦下保身家尚虞不支豈容自尋苦累自甘蕩費如

健訟一節竟相習成風既作今生怨對又結來世冤

仇而恬不省悟也儘有微嫌小隙里戚可解杯酒可

釋之事。槩裝劫殺抄洗等大冒。希圖官府准理。甚而非盜誣盜。非命指命。其意本欲累人。究還自累。請悉言訟之。爲害勸我地方人等。其諦聽之。從來片紙非易入公門也。買狀式要錢。代書人要錢。歇家要錢。訟師打點要錢。自鄉入城路上。來回盤費要錢。此猶就不准者言耳。萬一准理。承牌差役要錢。干證供給飯食要錢。關會招房要錢。抄錄訴詞。審單要錢。經旬累月。衙門伺候要錢。或本地或過客。央情要錢。事完得

勝追紙謝保要錢。此猶就訟勝者言耳。萬一理屈。斷輸皂隸行杖要錢。納罪要錢。押保差人要錢。催贖差人要錢。庫上完贖要錢。或甚而羈禁在獄。獄中使用要錢。妻子送飯要錢。而且皮綻肉破。身受箠楚之痛。鬻女賣男。家有流離之慘。此等苦楚。雖佛菩薩爲問官。斷乎難免也。况更有一種刁悍之徒。不勝不休。我告縣彼且告府廳。以壓之。我告司道彼且告

督撫院臺以壓之。我告

息齋續文集 卷十
督院臺彼且百計投旗以壓之糾纏葛蔓必致兩敗
俱傷身家隨之而後已嗟乎不過一念好勝使然耳
詎料其害抑至此極也余老人係歸田野叟同為
朝廷百姓誼均休戚惟願人人樂業安生村村家給戶
足庶不負
聖天子軫念小民至意故直布芻言沿門勸化知我罪
我非所計也

和明巖大師念佛十頌

未念

營營終日算無餘夢裏尋緣萬事虛枉把浮光駒影
送何曾繫念有須臾

初念

乍提六字未精專妄想紛飛霄漢懸手口與心三作
合就中杆格詎能蠲

攝念

息齋續外集
卷之十一
志嚮彌陀雜未精須將萬慮一澄清心猿意馬牢拴
住字字從今要認明

切念

念聲不斷尚嫌疎二六時中如護珠生死關頭須看
破猛超劫海奮程途

純念

密密綿綿無去來虹飛電閃不聞雷只知繩貫惟心
訣不管西方有寶臺

任念

念熟猶如順水舟濤翻浪湧亦安流何曾着意施篙
櫓任到中央快自由

悟念

從此了知念佛誰佛無定向念安之迷雲豁盡青天
現方是本來全露時

寂念

念歸無念始超方山自高今水自長十世古今無起

滅○大○千○沙○界○盡○承○當

忘念

都○除○能○所○與○斷○常○大○地○陽○春○遍○界○彰○擲○却○數○珠○閒○着
口○太○虛○雲○過○笑○他○忙

圓念

東○土○西○方○總○一○家○何○分○彼○岸○與○此○涯○登○峰○造○極○原○平
地○自○性○蓮○臺○自○湧○花

附跋

雪道人德濟撰

明巖大師念佛十題竊比牧牛十題尤難頌也夫
牧牛尚有人境形容念佛只貴一心不亂可不難
乎其未念至初念二頌人皆可以效顰其攝念至
圓念八頌非到家人不能頌也今閱息翁十頌妙
在無階級中權立階級前後次第不犯不及太過
之病最妙念歸無念能所都除斷常俱泯到此欲
覓念佛者了不可得何處更有苦樂染淨之境哉

夫蓮宗之旨古今闡析已備然未見有此十頌如是精妙而徹悟圓融者也善哉息翁真到家人也我聞教中有大菩薩或現宰官身說法者誠哉是言可不信乎

和洞山初禪師十心頌

心是春一鼓陽和萬象新
資生資始乾坤德要除三
毒最先噴

心是水濁惡紛投寧受滓
或欲障之在○西流須臾障

盡東還駛

心是火焦天灼地三塗果
惟有寒水佛祖門淨消煙

燄蓮生朶

心是秤銖黍釐毫皆有定
那移輕重錯盤星暗室鬼

神來作證

心是尺短長寬窄難損益毫髮稍欺亂準繩沉淪萬

劫堪痛惜

心是斗十升百合誰其咎休教淺滿任情欹積孽山

高空自受

心是燈燭暗指迷代月恒只怕狂風來陡滅茫茫前

路踏春水

心是鏡具足光明是本性略惹塵埃着力磨須教垢

盡恒沙映

心是道幕直前行本浩浩忽長荆藜塞路旁出門是

草幾時到

心是師折攝狂徒時刻隨忘懷着意非善教凝然不

動號尊師

題計甫草思子亭卷

余夙生業重。屢刺心於兒女之殤。歲在順治己丑。余年已望六。連殤二子。京郎寶郎。曾爲文以哭之。比皆未成童。而老年愛少子。不禁情詞悽惻。迄今雨夕霜晨。猶不忍再展我文也。不意康熙丁未冬十月。我年七十五矣。突喪我幼兒世湑。雖未成婚。年已十七。孝友惇實。卽老成人。無以過之。余一痛幾絕。於是有痛兒世湑文。以見我湑兒。非他殤者比。爰攷古禮而爲

之立後焉。且將卜地葬焉。庶幾後之觀我文者。或諒其非過乎。乃讀甫草思子亭記。余不覺潛然曰。我兩人同病相憐。有如是哉。甫草哀其子孺子不已。而爲亭以思之。非過也。宜也。思之不已。而諸名公又爲圖繪文章以表章而攷論之。非過也。宜也。亦將爲之立後焉。宜也。亦將選地以葬焉。宜也。信乎其非過也。况孺子年少而學邵卽聖學。救一書尤足。歿彭下壽。殤者歟。余是以飲痛書此。以質之卷內諸賢。

西天王寺募建普同塔地藏殿疏

余之爲普同塔募疏者。不知其幾矣。大約募主雖異。募義則同。無非以燐燐白骨。慘慘青熒。爲毒霧辛霜之所飽嚙。酸風淡月之所盤旋者。皆我過去之六親。未來之郵舍與現在之影像也。一回首轉腦間。自有令人坐視不忍者。雖募義之闡揚。似已什得八九。未免有筆枯墨鏽之憾。歲在戊申夏。有西天王寺僧定澄。欲于寺傍隙地募造普同塔。隨建地藏殿。廣度幽

冥衆生屢促余一言而未有以應定澄曰居士蓋嘗
爲普同塔說無盡義者也○今于西天王寺獨靳一言
豈普者同者如是乎抑不普而普不同而別有第
一義存乎請居士速道余唯然曰應如是普應如是
同無邊刹海自他不隔于毫端十世古今始終不越
于當念不普而普乃真普矣不同而同乃真同矣因
書其冊以歸之

法華禪院碑記

法華禪院者在楓江寒山寺之西數武去閭關六七
里其地爲松陵徐氏瑞宇之舊宅徐君素奉三寶絕
葷茹齋經數十年以信義德行著聞鄉里皈依禪宿
性能者匪朝伊夕忽于順治丙戌夏五偕其子學博
名克俊者捨宅爲菴仍捐橐千餘金爲之營構殿堂
寮廡并田園若干畝津梁往來雲水因名其菴曰法
華蓋取惟一事實餘二非真之義也諸佛如來爲此

一○事○出○現○于○世○達○磨○初○祖○爲○此○一○事○隻○履○東○渡○一○千○
七○百○則○老○古○錐○亦○皆○爲○此○一○事○拖○泥○帶○水○連○累○滿○地○
兒○孫○不○輟○手○徐○君○之○所○以○猛○撤○火○宅○植○茲○良○因○欲○後○
之○住○此○菴○者○究○竟○此○一○事○直○變○火○宅○爲○蓮○池○且○併○捐○
化○城○共○詣○寶○所○也○會○始○事○之○能○公○謝○世○方○丈○無○主○香○
積○蕭○瑟○津○梁○艱○阻○賴○有○舊○住○僧○寂○慧○績○行○多○年○力○振○
式○微○與○一○時○合○郡○紳○士○敦○請○浮○石○和○尚○之○法○嗣○天○童○
密○老○之○嫡○孫○彌○壑○禪○師○于○乙○巳○春○來○主○法○席○迄○今○四○
載○于○茲○宗○風○丕○振○禪○悅○飽○安○洵○能○究○竟○此○一○事○而○無○
愧○其○爲○法○華○主○人○者○已○于○是○寂○慧○之○夙○願○了○畢○并○捨○
宅○爲○菴○徐○氏○父○子○之○往○昔○良○因○亦○至○是○圓○滿○無○欠○而○
屬○余○一○言○爲○之○記○云○

其○爲○去○華○主○人○音○曰○于○身○又○書○之○反○更○了○星○斗○合
輝○于○茲○宗○風○丕○赫○輒○於○贈○安○成○詣○來○竟○此○一○事○而○無

湖心寺重修放生池碑記序

武林湖心寺之有放生池也始于永明壽禪師繼擴
于雲棲蓮大師而現宰官身說法爲之護持者宋有
學士蘇公子瞻明有中丞劉公一焜以及杭郡薦紳
黃貞甫葛屺瞻諸先生也自宋迄明數百年間興廢
屢更大約乘權當道者幸遇仁人君子則民無不安
其命卽物亦無不遂其生者也此徹機禪師所以有
放生池碑記之作也康熙七年春徹公請藏南來憇

錫湖上而臨之於山泉淵乎春始公請鑿潭來城
督臺趙公有感于京都放生因緣特捐清俸命之修
永明雲棲二老故事不一月告成因碑以記之金子
起而嘆曰大矣哉我趙公放生之功德也不在湖心
一寺而在全省兩浙也不在池中十千遊魚而在東
南億萬戶口也凡年來之仁心惠政脫民湯火不啻
解網以縱游沫俾浩浩然相忘于深淵廣澤之中而
豈徒磨崖勒石所能紀載其功德哉嗚呼後之人考
斯碑而興起者信仁人君子在上無一民不安其所
并無一物不遂其生莫有如我趙公而遠護永明之
祖鉢近紹雲棲之家風自南自北樹放生赤幟亦莫
如我徹師已為序

募葺比丘尼妙喆淨室疏

比丘尼妙喆字藻源者故錢塘令漢石顧公之女而
松陵虞部仲韶葉公之次媳也年甫笄虞部次君未
婚而卒一聞訃毅然之夫家親視含殮父母公姑俱
强制之不可奪居喪盡禮誓以死守後顧葉兩公相
繼歿遂薙髮出家精探內典求了生死或曰曾為名
師許可比之靈照大周聞而歎曰此誰堪為妙喆師
也一切衆生不過于情愛種子瞥生一念萬劫沉淪

妙喆並未爲情牽愛繫直從威音那畔以前斬斷情
愛之根拔出死生之楔故能不識其夫半面而爲夫
守節堅如金石信如四時以此心念佛自然卽心卽
佛以此心參禪自然心外無禪嗚呼當知識遍地之
時又誰堪爲妙喆師也大周不禁胡跪合掌而爲之
讚歎如此今妙喆年垂五十擬結廬于桐涇之南息
影焚修以其地僻絕囂更携姊姒三人皆以貞婺剃
度者共結淨因協修梵行誰謂五漏之身不頓圓無


漏之果哉其三人中長姒卽余伯氏念菴女也苦節
勵志克步妙喆後塵余尤喜而樂道其事以見成佛
作祖參禪學道之高流斷未有外三綱五常而別開
一爐冶另具一胚胎也因于燈下信筆書其緣起爲
同志勸

金剛經註釋序

金剛一經乃釋迦本師欲世人悟理見性爰立見性
 之法此一卷經乃衆人性中本有只因瞥起無明爲
 已主宰妄謂有生可度有行可修有法可得其于無
 住無得之本真千里萬里此經兜底掀翻鞭撻妄情
 淨盡無餘直使法法皆無所得頭頭始是家珍而性
 乃見矣註釋此經者古今來不下數百家而求其恰
 恰合如來本旨什不得一二余于戊申長夏日正矢

息齋續文集 卷之十一
願持誦金剛有吳門小友石書城自幼長齋夙具根
器而尤信向金剛一經博求諸家解註適從雲間獲
此書此經註釋係雲峰大師釋谷口子真訂余受而
讀之不煩不簡不淺不與不顛預儻侗不滯句承言
有合如來見性本旨爲之合掌讚歎欣未曾有所號
子真者大約係僊真之流未得其詳至若雲峰大師
則攷之五燈會元及古尊宿語錄的係大愚芝之法
嗣爲雲峰悅一時法席最盛語錄最多有上堂一則

云不用愛聖聖是空名不用厭凡凡是妄立若得聖
凡情盡喚作體露真常所以古者道但盡妄緣卽如
如佛又一則云若見諸相非相卽山河大地並無過
咎又一則云始從鹿野苑終至跋提河四十九年間
都來說一夢你等諸人還曾夢見麼所以道眼若不
睡諸夢自除卽此以上三則金剛妙義已逗漏極矣
所以凡上註釋的的本宜其爲諸家最也書城不
覺歡喜踴躍捐貲刊布以廣流通其功德尚可思議



P130

哉○余○因○爲○之○序○俟○諸○方○之○明○眼○者○證○焉○

跋獅山思益寺冊

余○歸○田○八○年○于○茲○偃○息○之○暇○每○杖○策○大○小○梵○剎○訪○尋○道○伴○一○洗○塵○襟○獨○獅○山○離○城○咫○尺○曾○未○措○足○戊○申○夏○偶○登○虎○丘○萃○勝○閣○向○東○南○遙○睇○峰○勢○崢○嶸○酷○肖○獅○形○聞○有○寺○名○思○益○雲○棲○的○裔○靈○白○法○師○現○駐○錫○其○中○一○日○偕○嚴○令○武○伯○仲○過○而○訪○之○清○幽○孤○寂○人○跡○罕○至○非○真○心○辦○道○泊○然○于○名○聞○利○養○者○未○肯○謝○塵○囂○而○枯○坐○此○獅○窟○中○也○因○携○一○冊○示○余○具○載○茲○寺○成○毀○顛○末○併

近來興復緣起。余爲展卷嗟歎者久之。一則景靈師之行解相應。遠接唐開元間勝光法席。一則重王氏之父子昆季。彷彿王摩詰之捨輞川爲選佛場。洵吳中一時勝緣千載佳話也。余故喜而爲之識云。

極樂菴飯衆募疏

余里居曹溪之西。越數武卽潯水極樂菴。蓋浙直之孔道也。其間雲水縑流。凡自平川西至。自茗雲東來者。瓶鉢絡繹。必跋涉六七十里。方獲至止焉。至此遇午一餐。遇晚一宿。菴之接衆飯僧。歷有年所矣。向雖經各檀那。捨置飯僧田若干畝。而輸稅孔亟。歲豐僅足完課。歲歉則那貸賠償。田無稍濟。實有大累也。邇者雲侶往來。不減于昔。而齋厨索然。甚至莖藿弗繼。

半菽不供。或遇大暑大寒。烈日灼膚。寒冰墮指。求一餐一宿焉。不可得。無論金湯佛法者。不忍膜視。亦仁人君子所顧而惻焉。嗟歎者也。茲幸潯上董氏諸昆季。及遠近善信等。誓爲擔瓢荷笠之徒。整頓津梁。延請雲棲的裔。行解相應之聖先法師。駐錫茲菴。以先轉食輪者。大轉法輪。謀久遠爲衆之計。勢必寮房之狹者廣之。禪堂之蕪者葺之。以及庖廡園圃。澡浴澣濯之所。併夏日之趙州喫茶。去冬日之大愚爲衆乞炭所需。必備缺一。不可至于。一應執事僧人。皆資單錢。約略計之。爲費不貲。非廣募善緣。曷克有濟。余嘉其竭力爲衆。一片婆心。卽石屋珙禪師所云。叅禪學道。第七個樣子也。不覺合掌讚歎。而奮筆爲之疏。冀外護金湯。與夫仁人君子。必有同心爾。

蒲菴募建大悲殿疏
 繇金閭西行三里為洞橋進橋內半里許為蒲菴菴
 以蒲名者何昔慎獨禪師結茆奉母效古尊宿陳蒲
 鞋編蒲養母故事故以蒲名其地最幽勝竹木圍合
 蒼翠盈眸中函一池池內菡萏花發香聞數里真眼
 前佛國也慎師高足為字均禪師閉戶習靜其中足
 不履闕有同高峰之活埋余一日叩扉訪之師方書
 華嚴經厥工將竣其點畫端楷紙墨精良洵稱法寶

因指余池後隙地欲偕其徒明幻募建大悲殿以了
慎師宿願屬余一言爲之疏余不覺合掌歎曰大悲
之建立所在梵刹有之良以大士弘誓海深慈濟無
盡而建于此地俾觀感像法者能使繁聲冶色蕩人
心志之會一回頭轉腦盡攝入大士悲觀中了知千
秋歌舞之樂地不過一朝露電之浮光于以喚醒酣
迷拯援沉溺其功德尚可思議哉請質之遠近善信
當于華嚴十施中必有能居其一者矣

字公師弟然
我言否。

上 韓撫院書

敬啓法立弊生自古所嘆蓋嘆奉行之不善也然或
利多害少或利害相參未有奉行全失其指致良法
美意反以便民者害民如邇來保甲長一則者也向
爲居民現總之役一切差徭勾攝往來承應無不責
成現總波累多端蒙

老祖臺軫念地方洞悉疾苦徹底革除
憲諭煌煌萬姓歡呼止有逃人一項遵 督捕刊行

則例立保甲長爲之稽察其餘槩與保甲長無涉不
意年來奉行者不仰體

老祖臺愛民至意反借題誅求一應地方大小事件
悉攢累保甲長公差紙票絡繹糾纏輪值之家如遭
橫禍因而有力者百計賄免貧弱者坐待淪胥四境
囂然如坐湯火其害有甚于居民現總舉

老祖臺一片愛民血誠竟爲舞文亂法之奸蠹埋沒
殆盡治某目擊痛心不覺嚙指頓足伏乞

老祖臺迅發鈞示立行禁止仍嚴檄郡邑恪遵

祖臺初頒禁約革除近日苦弊庶不負我

祖臺昔年立法初心而闔郡之家戶祝早暮頂頌
又寧有旣也揣此力疾籲陳統祈

垂鑒顯候

德音曷勝翹切之至

議除現總十苦

謹議爲恤民不在紛更。甦困在于剔弊。謬陳芻蕘。仰備採擇。事竊照在城內外。畷民輪充現總之役。現年一年一轉。總甲四十五日一輪。最煩重者。莫如逃人一項。次則人命盜情。火發封刷。船隻過往。絳夫造船。鑽夫等項。其瑣屑者。不堪枚舉。事無巨細。皆現年總甲之責。力不能自身。充當勢必倩人。包攬名曰走畷。遇有逃人等事。百計恐嚇。儘費儘騙。卽承值瑣事大

息齋續外集 卷之十
小衙門差役絡繹呼喚事事要錢宜乎民生日瘁畏
役轉甚其苦累誠有難以殫述者蓋向來現總因本
身不諳役務僱地方之貧而耐勞者代當現年貼役
五分總甲貼役一錢每日總計不過一錢五分資其
口食以供奔走答應官府今現年總甲盡屬積棍包
攬每日貼銀五錢鬧市倍之既已安享肥利尚欲見
事生波串通衙役拋攬說合百計索騙倘遇有重大
事情竟自遁去正身受罪費則盈百盈千殉以身家

啗民當役之苦約略如此乃近日奸胥啗棍復朋謀
構局倡言市廛間架起役名爲居民總甲沿門科派
事未舉行費已不貲宜乎居民之驚惶罷市此紛更
爲害之大端斷斷乎亟行議寢者也至於啗民現總
之苦委宜加之軫恤有可以因事節省徹底清釐者
除得一分則小民受一分之惠無論本人自當僱人
代當總不至于畏如湯火也謹條列如左伏候
鑒裁

計開

一稽察奸宄東人自有四隣十家長舉首若四隣十家長通同容隱或經官府發覺或被傍人首告則四隣十家長自有連坐之律在何必現年總甲代報日夕擔不測之憂此其苦之當除者一也

一人命自有屍親告理兩隣干証質對乃以申報責之無干現總無論真偽應管人命之衙門要報卽不應管人命之衙門亦要報以至籤票星飛狼差

蜂擁一家干涉人命閭城爲之鼎沸甚有居人命爲奇貨者護兇身則嗔其以假報真護若主則嗔其以真報假報假報真其害總歸于正身現總此其苦之當除者二也

一畝內失盜自有失主併兩隣呈報聽官府差捕訪緝何必責之現總報強報竊報多報少一有錯悞總之正身現總受累此其害之當除者三也

一封刷船隻應付小差自有埠頭承值遇大兵經臨

息齋續外集
一必須巨艦卽有司親自封捉尚苦勢要奪回辱官
毆役付之無奈責之區區現總何敢與抗此其苦
之當除者四也

一封過船隻自有原差管押大者交付埠頭小者立
時押進城內何必派現總看守一有脫逃需索百
般此其苦之當除者五也

一起解東人自有壯丁逐程押解沿途有各府縣汛
兵接替護送何必派及現總索費紛紛此其苦之

當除者六也

一城內失火自有兩隣舉報火頭乃一槩責現總儘
有住居窻遠甚至城內城外相隔者申報稍遲官
差立至罪與火頭等此其苦之當除者七也

一經過差使需用絳夫自有官發錢糧僱覓何必責
之現總有夫無夫折多折少害貽正身此其苦之
當除者八也

一造船需用牽鑽天槩派現總日逐拘拏往往造船

未完折夫乾沒無算此其苦之當除者九也

一凡修葺各衙門需用各色匠役自有當官匠頭承
值該縣工房支應一槩責之現總要磚瓦要木植
奔命不遑非錢不了此其苦之當除者十也

以上十苦既除則各衙現總之役自當可僱人代當
亦可誠實之人代當固不至不病而吟卽奸猾之人
包當亦豈能無風起浪省官府多少牌票省差役無
數誅求庶胥民有安枕之期比戶有樂生之象端不

負

聖天子軫念小民之至意矣

